

A Mga Hinungdan sa Pagpasalamat ug Pag-ampo diha sa Sulat ngadto sa mga Taga-Filipos:

❖ Mga Hinungdan sa Pagpasalamat (Filipos 1:3–8)

- Gisugdan ni Pablo ang iyang sulat pinaagi sa pagpasalamat sa Dios alang sa mga magtotoo sa Filipos (Filipos 1:3), nga iyang gihigugma pag-ayo (Filipos 1:8).
- Sama sa labawng saserdote nga nagsul-ob sa pectoral sa dughan, duol sa iyang kasingkasing, nga adunay mga ngalan sa mga tribo sa Israel nga nakaukit sa mga mutya sa dihang siya motindog atubangan sa Dios, si Pablo usab nagdala “sa iyang kasingkasing” ang matag sakop sa iglesia sa dihang siya motindog atubangan sa Dios sa pag-ampo aron mangamuyo alang kanila (Filipos 1:7).
- Ang iyang pagpasalamat naglakip sa kamatuoran nga ang mga taga-Filipos nagpabiling matinud-anon sa ebanghelyo, ug nga ang Dios nagapahingpit kanila matag-adlaw (Filipos 1:5–6).
- Ang ikatulong hinungdan sa pagpasalamat mao nga ang mga taga-Filipos nakig-ambit uban kaniya “sa akong mga gapus, ug sa pagpanalipod ug pagpamatuod sa ebanghelyo” (Filipos 1:7).

❖ Mga Hangyo sa Pag-ampo (Filipos 1:9–11)

- Mahimo natong tan-awon ang motibasyon sa pag-ampo ni Pablo ingon usa ka “sunod-sunod nga hinungdan” (Filipos 1:9–11, NIV):
- Nga ang gugma magadaghan diha kaninyo
- Makahimo kini kaninyo nga mas maalamon
- Makahimo kamo sa pag-ila ug pagpili sa labing maayo
- Mahimo kamo nga putli ug matarung
- Mamunga kamo pinaagi kang Jesu-Cristo
- Magdala kini sa himaya ug pagdayeg alang sa Dios
- Pangutana:
 - (1) Unsaon nato pagpadaghan pa sa atong gugma “labaw pa ug labaw pa”?
 - (2) Ngano nga hinungdanon kaayo kini alang sa Kristohanong kinabuhi?

B Pagpasalamat ug Pag-ampo Bisan sa Lisod nga mga Panahon (Filipos 1:12–18)

- ❖ a dihang nahibaloan sa mga taga-Filipos nga si Pablo nabilanggo didto sa Roma, nasubo kaayo sila, ug ilang gipadala si Epafrodito uban ang tabang alang sa apostol (Filipos 4:18).
- ❖ Imbis nga masubo, nagpasalamat si Pablo sa Dios bisan sa iyang pagkabilanggo. Ngano man? Tungod kay pinaagi niini nakapangwali siya sa mga tawo nga dili unta niya maabot kon wala siya mabilanggo (Filipos 1:13).
- ❖ Dugang pa, tungod sa batasan ug panan-aw sa apostol, ang ubang matinud-anong mga igsoon nadasig, ug misugod sa maisugong pagwali sa ebanghelyo, bisan pa sa mga kalisdanan nga nalambigit (Filipos 1:14).
- ❖ Ang uban usab, nga naghunahuna nga ang hayag nga pagsulti mahitungod sa ebanghelyo makahatag og kalisdanan kang Pablo, nakatabang—bisan wala tuyoa—sa pagkatag sa ebanghelyo (Filipos 1:15–18).

C Mga Hinungdan sa Pagpasalamat ug Pag-ampo diha sa Sulat ngadto sa mga Taga-Colosas:

❖ Mga Hinungdan sa Pagpasalamat (Colosas 1:3–8)

- Nagsunod sa mga pulong sa 1 Corinto 13:13, nagpasalamat si Pablo sa Dios tungod kay ang mga taga-Colosas adunay tulo ka Kristohanong hiyas: pagtoo, paglaum, ug gugma (Colosas 1:4–5).
- Kining mga hiyas naggikan kang Cristo Jesus, nagaporma sa atong relasyon uban sa tanang mga balaan, ug naipasa ngadto kanato pinaagi sa tinuod nga pulong sa ebanghelyo.
- Gipasiugda ni Pablo nga kini nga ebanghelyo wala lang iwali sa mga taga-Colosas, kundili sa tibuok kalibutan (Colosas 1:6)... ug sulod lang sa 30 ka tuig!
- Ang gahum sa Dios, nga gipadayag pinaagi sa ebanghelyo ug sa buhat sa Espiritu Santo, naghimo sa Biblia nga “pulong sa kinabuhi” (Filipos 2:16). Busa, sa pagdawat sa ebanghelyo, kita adunay kinabuhing dayon ug usa ka panulondon nga gitigom alang kanato didto sa langit (Colosas 1:5)).

❖ Mga Hangyo sa Pag-ampo (Colosas 1:9–12)

- Ang mga hangyo sa pag-ampo ni Pablo alang sa mga taga-Colosas naglakip sa daghang maayong butang (Colosas 1:9–11):
 - (1) Nga ilang madawat ang kahibalo sa Dios, nga magahatag kanila ug kaalam ug espirituhanong pagsabot
 - (2) Nga magkinabuhi sila isip mga anak sa Dios, nga makapahimuot kaniya sa tanang paagi
 - (3) Nga mamunga sila sa maayong buhat ug motubo sa kahibalo sa Dios
 - (4) Nga mapalig-on sila sa gahum sa Dios, aron magmalahutayon ug mapailubon
- Kini nga pag-ampo gihimo uban sa malipayon nga pagpasalamat ngadto sa Amahan (Colosas 1:12).
- Upat ka paagi (channels) nga gigamit sa Dios aron matuman ang pag-ampo ni Pablo sa atong kinabuhi:
 - (1) Ang Biblia (Salmo 119:105)
 - (2) Ang Espiritu sa Propesiya (Pinadayag 19:10), nga gipadayag pinaagi sa ministeryo ni Ellen G. White
 - (3) Ang mahigugmaong paggiya sa Dios (Colosas 4:3)
 - (4) Ang Espiritu Santo (Isaias 30:21))